



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu: Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar: Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina: KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo: KM 1990490075973745 kod SPARKASSE BANK d.d. Bosna i Hercegovina: KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo: ID broj: 4200450270001; PDV broj: 200450270001; Porezni broj: 01071112

Broj: UD-14239-1-12.3./2021

Datum: 03.09.2021. godine

Mjesto: Sarajevo

Na osnovu člana 70 stav (4), a u vezi sa članom 69. stav (2) pod d) Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 18. Pravilnika o javnoj nabavci roba, usluga i radova broj: UD-6270-1-2/2016 od 27.05.2016. godine, te Pravilnika o I izmjenama i dopunama pravilnika o javnoj nabavci roba, usluga i radova broj: UD-20986-1-6/2016 od 02.12.2016. godine i Zapisnika o pregledu i ocjeni ponuda sa preporukom Komisije broj: GD-50-4/20 od 19.08.2021. godine, Uprava Društva na 14. sjednici, održanoj dana 03.09.2021. godine donijela je:

O D L U K U

o poništenju postupka javne nabavke

I

Poništava se otvoreni postupak javne nabavke izvođenja radova – Isporuka i instalacija elektronskog signalno-sigurnosnog osiguranja 6 (šest) željezničko – cestovnih prelaza: Reljevo na pruzi 12 (Šamac-Sarajevo), Bistarac, Bistaračka Ulica i Lukavac Soda na pruzi 13 (Tuzla-Doboj), te Šerići i Križaljka na pruzi 14 (Brčko-Banovići), za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, tender broj: GD-50/20.

II

Postupak se poništava na osnovu člana 69. stav (2) pod d) Zakona o javnim nabavkama ("Službeni glasnik BiH" broj: 39/14).

III

Za realizaciju ove Odluke zadužuje se Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Posebnom Odlukom broj: 1-15529-1/2020 od 16.09.2020. godine odobrio pokretanje otvorenog postupka javne nabavke izvođenja radova – Isporuka i instalacija elektronskog signalno-sigurnosnog osiguranja 6 (šest) željezničko – cestovnih prelaza: Reljevo na pruzi 12 (Šamac-Sarajevo), Bistarac, Bistaračka Ulica i Lukavac Soda na pruzi 13 (Tuzla-Doboj), te Šerići i Križaljka na pruzi 14 (Brčko-Banovići), za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, tender broj: GD-50/20.

Na Portalu javnih nabavki objavljeno je Obavještenje o nabavci pod brojem: 1050-1-3-316-3-109/20, dana 06.11.2020. godine. Sažetak obavještenja o nabavci objavljen je u "Službenom glasniku BiH", broj: 73/2020 od 13.11.2020. godine.

Rješenjem Predsjednika Uprave - Generalnog direktora, broj: 1-15530-1/2020 od 16.09.2020. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Amir Lukovac – predsjednik, Mustafa Kubat – član, Sakib Čavčić – zamjenik člana, Adisa Kurtović – član i Amar Zubčević – član. Sekretar Komisije – Azra Mešanović – Ridić.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 07.12.2020. godine u 12:00 sati, izvršila javno otvaranje ponuda. Do roka određenog za prijem ponuda, dostavljene su 2 (dvije) ponude, i to:

1. Ponuda ponuđača "STEP" d.d. Sarajevo, koji je ponudio:

- Cijena: 1.718.459,93 KM bez PDV-a, odnosno 2.010.598,12 KM sa PDV-om,
- Rok izvođenja radova: 91 dan od dana izdavanja narudžbenice od strane ugovornog organa.

2. Ponuda ponuđača Grupa ponuđača: "KONČAR INŽENJERING ZA ENERGIJU i TRANSPORT" d.d. Zagreb i "GENEL" d.o.o. Mostar, koji je ponudio:

- Cijena: 1.947.565,37 KM bez PDV-a, odnosno 2.278.651,48 KM sa PDV-om,
- Rok izvođenja radova: 91 dan od dana izdavanja narudžbenice od strane ugovornog organa.

Na osnovu Zapisnika o pregledu i ocjeni ponuda sa preporukom Komisije, broj: GD-50-3/20 od 19.05.2021. godine, sačinjen nakon ponovnog postupka od strane Komisije postupajući po Rješenju Ureda za razmatranje žalbi broj: JN2-01-07-1-473-10/21 od 28.04.2021. godine, te pregleda i ocjene ponuda, Ugovorni organ je donio Odluku o poništenju postupka javne nabavke, broj: UD-8735-1-8.1./2021 od 03.06.2021. godine, na osnovu člana 69. stav (2) tačka d) Zakona o javnim nabavkama ("Službeni glasnik BiH", broj: 39/14), jer nijedna od primljenih ponuda nije prihvatljiva. Obje ponude ponuđača su od strane Komisije ocijenjene kao neprihvatljive.

Nezadovoljan ishodom postupka, ponuđač Grupa ponuđača: "KONČAR INŽINJERING ZA ENERGIJU I TRANSPORT" d.d. Zagreb i "GENEL" d.o.o. Mostar je dana 28.06.2021. godine uložio Žalbu od 24.06.2021. godine na osporenu Odluku o poništenju postupka javne nabavke, broj: UD-8735-1-8.1./2021 od 03.06.2021. godine. Ugovorni organ je žalbu odbio kao neosnovanu, te istu sa Izjašnjenjem u zakonskom roku prosljedio Uredu za razmatranje žalbi.

Rješavajući po uloženoj žalbi, Ured za razmatranje žalbi je Rješenjem broj: JN2-01-07-1-1819-7/21 od 29.07.2021. godine usvojio Žalbu i poništio Odluku o poništenju postupka javne nabavke, broj: UD-8735-1-8.1./2021 od 03.06.2021. godine, te predmet vratio Ugovornom organu na ponovni postupak u kojem će se ponovo ocijeniti prihvatljivost ponuda.

U skladu sa navodima i uputama datim u Rješenju Ureda za razmatranje žalbi, broj: JN2-01-07-1-1819-7/21 od 29.07.2021. godine, izvršen je ponovni postupak, odnosno ponovni pregled i ocjena ponuda i utvrđeno je sljedeće:

1. Ponuda ponuđača "STEP" d.d. Sarajevo nije prihvatljiva iz sljedećeg razloga:

- Ponuđač STEP d.d. Sarajevo u kolonama Naziv proizvođača i Zemlja porijekla u Prilogu 3 – Obrazac za cijenu ponude (stavka 2.12 – strana 21, stavke 5.5, 5.6, 5.8, 5.9 i 5.11 na strani 24), naveo je neistinite podatke, koji nisu u skladu sa tačkom 18.2 tenderske dokumentacije. Uvidom u dokument firme Tim Kabel od 19.02.2021. godine, isti potvrđuje da nije proizvođač, već distributer i dobavljač naprijed navedenih kablova.

2. Ponuda grupe ponuđača "KONČAR INŽENJERING ZA ENERGIJU i TRANSPORT" d.d. Zagreb i "GENEL" d.o.o. Mostar nije prihvatljiva iz sljedećeg razloga:

- Grupa ponuđača u ponudi nije dostavila tehničku dokumentaciju koja opisuje proizvod sklopa lokalnog upravljanja, na način kako je to zahtijevano Tenderskom dokumentacijom, stavka 12.10. pod k), koja glasi:
„Tehničku dokumentaciju proizvođača koja opisuje proizvod i koja zadovoljava zahtijevane uslove opisane u poglavlju II Tehnički uslovi dijelova uređaja za osiguranje ŽCP-a iz koje se nedvosmisleno može razaznati da ponuđeni dijelovi

uređaja (na strani 5, II Tehnički uslovi dijelova uređaja za osiguranje ŽCP-a, tačka 1; 2; 3.1; 4 i 5) koji će biti ugrađeni odgovaraju zahtijevanim tehničkim uslovima.“

U dostavljenoj tehničkoj dokumentaciji u ponudi pod nazivom „Tehnički opis osiguranja sustava ŽCP-a KLC3 proizvođača Končar-KET d.d.“, na strani 135, data je blok šeme KLC3 i na šemi ucrtan kvadratić sa sklopom lokalnog upravljanja, kao konstatacija da je isti sastavni dio osiguranja sustava ŽCP-a KLC3. U istoj dokumentaciji, na strani 136, u poglavlju 1.3 navedeno je, da su elementi sustava osiguranja: unutarnji elementi i vanjski elementi, a da je sastavni dio unutarnjih elemenata TOBO ormarić sa sklopom lokalnog upravljanja. U istoj dokumentaciji pod naslovom „Unutarnji elementi“, od strane 141-161 detaljno su opisani sastavni dijelovi unutarnjih elemenata navedeni u poglavlju 1.3, osim TOBO ormarića i sklopa lokalnog upravljanja, koji nije opisan niti jednom rečenicom. Na strani 136 ponude u tehničkoj dokumentaciji pod nazivom „Tehnički opis osiguranja sustava ŽCP-a KLC3 proizvođača Končar-KET d.d.“ u poglavlju 1.4, konstatovana je činjenica da se Končarev sustav osiguranja ŽCP-a može uključiti/isključiti lokalno sklopom smještenim u TOBO ormarić u kućici ŽCP-a.

Ugovorni organ, na osnovu blok šeme KLC3 sa ucrtanim kvadratićem, te konstatacije samo činjenice da sklop lokalnog upravljanja „postoji“ bez detaljnog tehničkog opisa i navoda da se sa njega može uključivati/isključivati sustav osiguranja ŽCP-a, ne može prepoznati tehničke karakteristike (radne napone i struje kontakata prekidača), način uključivanja/isključivanja, način rada, način povezivanja na U/I module, dimenzije i ostale funkcionalnosti neophodne da bi sklop lokalnog upravljanja pouzdano radio u sastavu ponuđenog sustava osiguranja ŽCP-a KLC3.

Obzirom da Ugovorni organ, postupajući po navodima Rješenja Ureda za razmatranje žalbi broj: JN2-01-07-1-1819-7/21 od 29.07.2021. godine u ponovnom postupku, nakon pregleda i ocjene ponuda, nije imao nijednu prihvatljivu ponudu, Komisija je konstatovala da nisu ispunjeni zakonski uslovi za nastavak postupka nabavke i zaključenje ugovora, te je dala p r e p o r u k u Upravi Društva za donošenje Odluke o poništenju postupka javne nabavke izvođenja radova – Isporuka i instalacija elektronskog signalno-sigurnosnog osiguranja 6 (šest) željezničko – cestovnih prelaza: Reljevo na pruži 12 (Šamac-Sarajevo), Bistarac, Bistaračka Ulica i Lukavac Soda na pruži 13 (Tuzla-Doboj), te Šerići i Križaljka na pruži 14 (Brčko-Banovići), za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo, tender broj: GD-50/20, na osnovu člana 69. stav (2) tačka d) Zakona o javnim nabavkama ("Službeni glasnik BiH", broj: 39/14), jer nijedna od primljenih ponuda nije prihvatljiva.

Nakon provedenog postupka od strane Komisije i Zapisnika o pregledu i ocjeni ponuda, sa preporukom Komisije, broj: GD-50-4/20 od 19.08.2021. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Željeznička infrastruktura,
- Sektor za nabavke i prodaju x2,
- Sektor plana, analize i raspoređivanja prihoda,
- Ponudač x2,
- Uz Zapisnik,
- a/a.


Predsjednik Uprave – Generalni direktor
Enis Džafić, mr.ecc.